

嘉慶廬州府志

重修廬州府志敘

嘉慶七年

內廷續修會典檄取天下府州縣志以備採錄故事方志閱六十年一修余自己未奉

命出守廬州下車之日查閱郡志類多殘缺蓋未修者已一百有六年矣卽倡議修舉時以簿書期會紛冗奔馳稍暇則勸民耕桑濬陂塘復勘治七門堰黃絲灘

諸水利未遑他務比歲以來年豐民和
獄訟稀少乃修葺學宮增置祭器樂縣
闕書院時與諸生講論勵其文行士風
蒸蒸日上矣於是率同僚屬議修郡邑
志各紳士均踴躍從事適與

令甲符合遂設局舉行維時陽湖孫觀察星
衍及元和蔣孝廉棠全椒王明經祖怡
皆好古博雅因爲延請到局纂輯並選
郡中髦士共搜羅訂正之書旣成復就

正於桐城姚姬傳先生竝詢諸合肥左
明府輔無爲州顧刺史浩舒城熊明府
載陞廬江魏明府紹源巢縣魏明府象
彩僉以爲善剗剗甫畢適余奉檄委署
安徽道篆郡人士咸來問敘於余爰爲
之敘曰方志之體分得班氏地里司馬
氏郡國志之一隅而其格式備具於常
璩華陽國志其卓然可傳者大要觀其
記古事有根據隸今事無枝葉不僭史

氏褒貶之責不取流俗不雅馴之談則得撰述之體矣今世所存方志莫善於宋人所修吳郡志建康志長安志諸書余皆得見之廬屬古志据王象之輿地紀勝引有帥李大東撰合肥志文獻通考載有淳熙十五年郡守鄭興裔及合肥主簿唐錡撰合肥志教授宋宜之撰無爲志太守柴瑾爲之序明一統志又引元廬州志今皆不可得見近志爲康

熙三十五年郡守張純修所纂其時未見唐宋人地志諸書空疏無故寔因求故家得明隆慶志楊儀部循吉所撰頗爲精核崇禎志多仍舊本茲用三志參訂各取其長加以博搜載籍其志沿革則取之各史地里郡國州郡地形職方諸書志山川古迹則取之魏鄴道元唐李吉甫宋樂史祝穆歐陽忞王象之諸人水道地記諸書志人物名宦則取之

廿四史列傳旁搜子書雜史志大事則
取之編年正史志佚事則取之傳記百
家其田賦兵防水利各類皆援據古書
折衷今制以爲一代文獻廟寺冢墓金
石搜羅遺佚碑碣遍覽說部增於舊志
幾十之五人物志之出於近世者則得
於都人士輿論稽諸公牘庶幾質核而
不誣合以圖表其爲五十四卷俾百餘
年來典章文物吏治民風釐然畢具非

敢自詡博雅亦庶免不醇不備之憾云
爾嘉慶八年春正月

賜進士出身

誥授朝議大夫署理安徽寧池太廣等處兵
備道兼管蕪湖關稅務廬州府知府前
刑部陝西司郎中總辦秋審處加四級
紀錄十三次溫陵張祥雲撰

廬州府志序

廬州居江淮之間湖山環匯最爲雄郡余嘗謂

國家因明舊制臨江建安徽省治官舍吏廨成立百餘年不可猝移耳若以地勢寬平原隴雄厚控扼南北之要言之安徽大府建牙未有宐於合肥者也故守是者尤貴得其人焉晉江張鞠園使君以尙書賢郎受

特命守廬州敷政三年吏靖民和人頌其治使

君夙工文章勤學稽古於吏事之暇展尋
舊志覺其舛失漏略且志後事未及紀者
逾百年矣乃復精攷博採補綴脩削更成
新志凡五十四卷於是鉅郡之規撫益彰
而文獻之事益備夫廬州古文章之地也
昔者廬江周興之徒蘊匱古今博物多聞
見推漢朝而民間孔雀東南之詩遂爲千
古五言之冠其風俗文盛可知已及三國
兵興蕪爲用武之地文教衰薄風俗美惡
與世轉移其來久矣

聖朝統治百餘年吏謹而民樂俗朴而道交夫
文學者所以興德義明勸戒柔馴風氣登
長才傑於爲政之事似賒而實切者也今
使君勸成是志以示此方之人而因教導
之則其所以化民成俗者固可觀其一節
矣

嘉慶七年冬十月桐城姚鼐序

重修廬州府志敘

郡縣之有志猶國之有史家之有譜也而志之不可曠歲不脩較史與譜爲甚何則譜者一家之事世系行業婚宦生卒其子若孫非甚不肖皆謹識之雖歲久未至亾失史則朝廷設官掌之而且有起居注有時政記有

會要有六曹文案以及百家記述卽
更姓易代纂輯不難志則不然所載
止於一方所據者有司之簿籍暨長
老所記憶耳簿籍出胥吏之手記憶
則言人人殊皆不足徵信若非及時
編述隔越年所則缺失多而攷究難
不獨瑰行嘉猷泯滅不彰無以爲來

者之勸卽農田賦額水利學校一切
建置沿革湮沒不載官斯土者欲有
所爲仰稽舊章率宵冥而莫得其原
其害豈淺鮮哉然其事體甚大少不
詳慎則訛誤缺失爲世譏議而其爲
害又緩而難見非若刑獄賦稅之不
可以一日不理也以故近世守土之

吏其下者碌碌簿書披訟牒謹催科
以避就殿最而已其有留意教化究
心民瘼者則爲良吏矣而於網羅人
物綜核典故之事亦往往遜謝未遑
非學有經法知治體而才復沛然有
餘者輒不敢作志不惟不敢亦不暇
權觀察廬州守張君八閩名進士也

以郎中尤異奉

命出守望郡越數年政成民和百度具舉
脩城隍興學校暇則進郡之秀士課
其文行厥風蒸蒸又懼郡志不脩已
逾百年非及今排纂則廢墜益甚爰
集郡之紳士勑搜博採近攷遠稽於
舊志則正其訛補其闕其近今數十

年事則續而成之披其書條貫網紀
燦然秩然君之爲此蓋亦勤矣抑予
有感焉皖江左右夙號忠信質實然
以予采風所至江之南士文而秀其
失則儉江之北士朴而誠其失則悍
廬處江淮之間其士民獨馴良好學
俗知禮讓階鮮諍詞豈非賢有司之

教哉方今

聖人在上醞化淳懿守土之吏大法小廉
有教民之責者誠能探其本原而善
道之將見風俗隆起進而益上人才
挺出且有過於今誌所載者使獨山
合水之間蔚然稱最盛焉此則予與
張君同勉之矣孔子曰君子學道則

愛人小人學道則易使也嗚呼豈不
然哉嘉慶八年歲在昭陽大淵獻閏
二月初吉

賜進士及第中議大夫

日講起居注官翰林院侍講學士提督安
徽學政加二級紀錄二次山陽汪廷
珍序

廬州府志序

安徽於天下地形畧當南北之中而廬州又當安徽之中者也夫南人之美文秀而其敝佻巧北人美質厚而其敝麤厲今廬州居南北之中所願民俗兼有南北之美而去其敝而已余受

命撫安嶽而晉江張翰園爲廬州守翰園
曩在西曹與余同官著文章兼吏能
同僚靡不重之及守廬復以循績稱
今又脩其郡志適成余閱之其用意
勤密考論精善誠足嘉也第余愧薄
陋雖奉宣

朝廷之德教而恐未足以悅民意守今之

賢士民之俊掖導裁成增美去敝將
必能助余而成美俗以著

聖治之極此余所深望而鞠園與余故交
其尤知余衷者也故書以爲是書序
云嘉慶八年冬十一月

欽命兵部侍郎兼都察院右副都御史巡
撫安徽等處地方兼理提督統轄全

省軍務糧餉節制各鎮長白阿林保

譔

廬州府志目錄

第一卷

沿革志

表

分野

疆域

形勝

風俗

第二卷

山川志上

第三卷

山川志下

第四卷

古迹志上

第五卷

古迹志下

冢墓

第六卷

城署志上

第七卷

城署志下

第八卷

封爵

第九卷

職官表一

第十卷

職官表二

第十一卷

職官表三

第十二卷

職官表四

第十三卷

選舉表上

第十四卷

選舉表中

第十五卷

選舉表下

第十六卷

學校志上

第十七卷

學校志下

第十八卷

壇廟志

第十九卷

寺觀志

第二十卷

田賦志 戶口 土產

第二十一卷

水利志

第二十二卷

兵防志 驛傳

第二十三卷

名宦傳上

第二十四卷

名宦傳中

第二十五卷

名宦傳下

第二十六卷

人物志名臣上

第二十七卷

人物志名臣下

第二十八卷

人物志名將上

第二十九卷

人物志名將下

第三十卷

人物志忠節

第三十一卷

人物志孝義

第三十二卷

人物志文苑

第三十三卷

人物志仕宦

第三十四卷

人物志篤行

第三十五卷

人物志隱逸

第三十六卷

人物志方技

第三十七卷

人物志僑寓

第三十八卷

人物志仙釋

第三十九卷

人物志列女 貞孝

第四十卷

人物志列女 義烈一

第四十一卷

人物志列女 義烈二

第四十二卷

人物志列女 完節一

第四十三卷

人物志列女 完節二

第四十四卷

人物志列女 完節三

第四十五卷

人物志列女 完節四

第四十六卷

人物志列女 完節五

第四十七卷

人物志列女 完節六

第四十八卷

大事志上

第四十九卷

大事志下 詳異

第五十卷

佚事志

第五十一卷

雜文志上

第五十二卷

雜文志下

第五十三卷

文籍志

第五十四卷

敘錄

廬州府志纂修職名

主修

署理安徽寧池太廣兵備道廬州府知府 張祥雲

同修

廬州府督糧通判 高廷瑤

合肥縣知縣 左輔

無爲州知州今陞泗州直隸州知州 顧浩

舒城縣知縣 熊載陞

廬江縣知縣 魏紹源

巢縣知縣 魏象彩

廬州府學教授 陳略

廬州府學訓導黃騰驥

合肥縣學教諭汪繼序

合肥縣學訓導楊懌璽

廬江縣學教諭言朝樾

巢縣學教諭蘇廷煜

廬州府經歷孫炳震

合肥縣丞孫同珍

監局

署理無爲州學龍司巡檢候補從九品陳永芳

代理合肥縣青陽司巡檢候補從九品姜登釗

司局

合肥縣 侯選 千總 范華國

合肥縣 侯選 州同 趙璵

合肥縣 侯選 州同 李厚

廬州府 學增 生 謝麒書

合肥縣 侯選 布政司理問 虞廷瑾

合肥縣 監生 王運馨

合肥縣 監生 張之柱

纂修

原署山東按察使充沂曹濟道 孫星衍

協修

蘇州府 元和縣 舉人 蔣棠

分修
滁州全椒縣廩貢生 王祖怡

湖北隨州進士 儲嘉珩

浙江海寧州副貢生 楊惕龍

江寧府監生 嚴觀

浙江海寧州附貢生 徐師憲

浙江海寧州貢生 許錫麟

滁州全椒縣恩貢生 吳堦

蘇州府常熟縣貢生 王豫

江寧府貢生 汪陽

順天府宛平縣貢生 姚榮

無爲州原任刑部主事吳元慶

合肥縣拔貢生董元

舒城縣舉人孔繼序

廬江縣副貢生黃金臺

巢縣舉人陳夏常

採輯

廬州府學廩生周大槐

合肥縣增生楊聯奎

舒城縣拔貢生黃荷

廬江縣貢生李光瓊

無爲州廩生侯之績

巢

縣

廩

生

翟兆珩

校閱

勅封文林郎合肥縣附貢生 趙承烈

合肥縣進士卽用知縣 張建領

合肥縣進士卽用知縣 洪選開

合肥縣舉人 范邦政

合肥縣拔貢生 程箴

合肥縣拔貢生 范從律

廬州府學廩生 黃保泰

合肥縣廩生 趙開第

合肥縣廩生 董三餘

合肥縣廩生牛永芬

合肥縣生黃鳴鐸

合肥縣生黃先桂

合肥縣舉人朱光照

合肥縣生吳浩

舒城候選教諭署婺源縣訓導高華

舒城縣候選訓導曾秩

廬江縣生孫傳心

無爲州附貢生徐必烜

巢縣舉人楊欲仁

巢縣舉人劉兆熊

巢

縣

生

員

湯授祖

分校

合肥縣中書科中書李春

合肥縣廩生張棫

合肥縣生員張基

合肥縣生員郝淳

合肥縣生員孫映漣

合肥縣生員李宗白

舒城縣廩生趙元音

舒城縣生員彭學江

廬江縣生員丁朋

無 爲 州 生 員 徐家坦

巢 縣 生 員 陶名望

巢 縣 生 員 洪曙

廬 州 府 學 生 員 謝朝黼

繪圖

巢 縣 監 生 姜漁

廬州府志圖

境總圖

里十三百二界縣總定周


西至六安州界二百二十里



里十四百二界縣城桐

肥 合 治 府

里十八百一縣遠定至北東



東至巢縣界九十里

鳳州府志

縣境圖


西至六安州界二百二十里

西至六安州界二百二十里




南至舒城縣界八十里


府治合肥




署 府




圖



學 府



圖



舒城縣

縣肥合至北



縣城桐至南

東至蕪湖界六十里

圖 境

里十四界




里十六

西至六安州界二十五里

卷之二十一

舒城縣


八耕初



城圖


廬州府志圖

八



廬江縣

東至巢縣界八十里



境圖


北至合胞縣界七十里



南至桐城縣界十五里

西至舒城縣界四十里


縣江盧




盧江縣圖

九

城圖



府屬無爲



銅陵縣

銅陵縣

橫港墩

馬石墩

長山嶼

羊山嶼至長山

嶼至五十里

三官廟

長山嶼至紫

沙嶼至二十五里

清水溝

沙洲尾分防

張潭灣

紫昌縣界

司巡港荻

灰子嶼

廬州府屬

灰河

桐城縣界

老洲頭至灰河

土橋洲土橋堤司

土橋洲墩

宗三廟墩

宗三廟

白洋洲

省澤洲墩

灰河至五里

魚套洲五十里

老龍頭墩


白洋洲

鯉魚套洲至白

魚池洲至五里

沉洲洲至五里


州境江圖



廬州府志圖

十一

城圖



巢縣

北至合肥縣

東至含山縣界二十五里



南至無為州

圖 境


里十八界



西至合肥縣界九十里

里八十三界

巢縣



廬州府志卷一

賜進士出身廬州府知府溫陵張祥雲主修

沿革志表 分野 疆域 形勝 風俗

論地志者以辨沿革爲最要而辨之最難夫廬州所以名廬者以廬江郡而名之也追廬江之所以名則其水卽今江西彭蠡之水漢文帝建廬江國于彼及景帝遷廬江王爲衡山王王子江北廬江爲郡遂析江北衡山之地入之然漢書地理志不載廬江之始爲衡山郡又不載廬江江南之縣于何時割去也是以使後世言地理者于斯多謬賴淮南王傳叙次甚明考之得以知諸說之誤而斷廬江郡之本爲衡山郡也其餘沿革則元

和郡縣志世佚其淮南西道不可得見茲採太平寰宇
記及各史地志而時以愚見辨說于其間又以郡縣沿
革表及分野疆域形勝風俗悉附於後云

廬州府禹貢揚州之域殷周爲南巢及巢國

漢地理志廬江九江俱屬揚州

太平寰宇記地屬揚州昔成湯放桀芮伯命巢卽此地

春秋時羣舒及巢境

春秋文公十二年楚人圍巢杜註廬江六縣東有居巢城
左傳羣舒畔楚杜註今廬江南有舒城舒城東南有龍舒
按巢蓋楚之屬國以杜注推之古巢約在今合肥無爲界
也杜所云廬江者晉時廬江治陽泉而云舒在其南則正

當今舒城界內矣其餘舒庸舒鳩之類地不可明或在今廬州界或不在無以辨之矣

漢地理志廬江郡注應劭云故廬子國

元和郡縣志

此卷闕見玉海

廬州本廬子國春秋舒國之地

太平寰宇記廬州古廬子國春秋時爲舒國地

方輿勝覽廬州以廬江名舊云古廬子國此應劭之說非也

按應劭以廬江爲廬子國漢時古書尙多或非無据然如應說其廬國固當在江南之廬江不當在江北之廬江也戰國屬楚秦始爲楚郡地後爲九江郡

按史記楚世家秦虜楚王負芻滅楚名爲楚郡而史記裴

駟注于始皇二十六年分天下爲三十六郡去楚郡名定
其名曰九江者據漢書地志九江郡秦置而名之耳實則
二十六年之郡名未可決知又始皇紀載二十八年從彭
城西南渡淮水之衡山南郡則此地似當時名衡山郡也
今姑從裴說書之及項羽分王諸將則分九江郡爲二國
北爲九江王黥布南爲衡山王吳芮

漢初爲淮南國統四郡兼有江南其後江北地分爲兩國北
爲淮南國國除爲九江郡南爲衡山國其率爲六安國及廬
江郡

按史記黥布爲淮南王都六九江廬江衡山豫章郡皆屬
布布反誅高帝立子長爲淮南王文帝六年長廢徙十六

年以長故地封長子安爲淮南王得九江郡勃爲衡山
王得衡山郡賜爲廬江王得豫章廬江郡景帝時勃徙爲
濟北王賜徙爲衡山王史記云廬江王邊越數使使相交
故徙爲衡山王王江北据此則廬江之本在江南爲甚明
矣賜以有過而北徙景帝蓋不盡予以衡山之故地其東
境蓋頗以南附廬江故廬江當時跨有江之南北武帝元
狩元年安賜皆謀反國除淮南國爲九江郡衡山國爲衡
山郡衡山郡旋爲六安國以王膠東王寄之少子慶史謂
其得故衡山地而衡山之名自是遂隱矣史記貨殖傳稱
九江衡山爲南楚而不及廬江殆猶舉其舊名乎漢地志
于廬江郡下書云廬江出陵陽東北入江陵陽江南地也

此必哀平以前廬江之舊志其時陵陽北流之水實行于廬江郡之境也又太史公龜策傳曰余至江南問其長老云龜千歲遊蓮葉之上江豸家人常畜龜飲食之褚先生記其後曰廬江郡常歲時生龜長尺二寸者二十枚獻太子官夫褚先生昭宣時人此足見昭宣之世廬江猶跨有江南及漢書地志廬江郡乃無江南之縣蓋廬江本兼得衡山廬江之地自昭宣歷元成哀平不知中何時又截江爲界使漢初廬江郡界盡入豫章則是郡雖有廬江之名而實僅有舊衡山郡之十二縣而已地志成于平帝元始之歲於此頗有漏略而班固因之雖存廬江出陵陽之舊說而考其山川則固非其土矣然賴其載是語而知其郡

境之本不止是也是猶九江郡本以臨九江水得名及項羽披其南爲衡山國則九江之國與其水隔絕不鄰而應劭猶于九江郡注曰江自廬江尋陽分爲九此與其注廬江爲廬子國者正同聊解其名義可也而據以定沿革之實則舛矣

漢地理志廬江郡故淮南文帝十六年別爲國

淮南者國名別爲國

者淮南本統四郡後分三國則衡山別爲國也屬縣有舒居巢襄安臨湖九江郡

秦置高帝四年更名淮南國武帝元狩元年復故屬縣有

遼道橐臯合肥

今廬州府蓋得漢廬江郡之北四縣與九江郡之南三縣

後漢因之以合肥臨湖居巢俱爲侯國

郡國志九江郡屬縣有遼道合肥侯國廬江郡屬縣有舒

臨湖侯國龍舒侯國有襄安有居巢侯國

三國時合肥屬魏爲重鎮

按晉書志云自合肥之北至壽春悉屬魏通典魏明帝時以滿寵爲揚州都督諸軍鎮合肥上表言合肥城西北三十里有奇險可依更立新城據此合肥屬魏無疑名勝志以舒居巢等縣屬吳

晉爲淮南廬江二郡地自漢至晉屬揚州

晉地理志九江郡武帝改爲淮南郡屬縣有合肥遼遼廬江郡屬縣有舒居巢襄安

宋齊時爲廬江郡及南汝陰南譙等郡而分屬豫南豫兩州沈約宋州郡志南豫州南譙太守領城父令廬江太守領

舒令南汝陰太守領汝陰令所治卽漢晉合鹿縣

南齊州郡志晉孝武寧康元年桓沖以邊寇未靜分割譙梁二郡置之浣川立爲南譙梁郡又云豫州南汝陰郡領十三縣梁郡領四縣有城父注云永元志屬南譙南豫州廬江郡領七縣南譙郡領六縣

按御覽引劉澄之豫州記城父縣有巢湖湖有三山湖南有四鼎山今四鼎在巢縣據此知城父在今巢縣界又自晉之南渡民庶奔徙郡縣多有僞置然僞立郡縣屬僞立之州其本地舊郡自屬本州故東晉廬江九江猶屬揚州其郡內僞置如汝陰之類乃屬僞立之豫州至安帝之末則盡割屬豫州宋齊因之所謂土斷也又豫州本在淮北

晉成帝僑立豫州于淮南是爲南豫然晉宋之時間取淮
北復置豫州故豫與南豫稱爲二豫其間或合或分故沈
約曰乍有離合而分立居多至齊無復淮北則豫州特分
裂南豫之地而已當時豫州亦稱西豫州齊武帝永明四
年冠軍長史沈憲啟以廬江郡還西豫州而南豫州別駕
殷瀾爭之以爲廬江屬南豫濱帶長江與南譙接壤租帛
從流送州實爲便利按其時南豫州治在歷陽度當時廬
江郡治正當今廬江縣境故云濱帶長江從流送州也至
當時荒郡所據蓋不過今一縣地南譙郡其今之無爲州
梁郡其今巢縣乎故城父在今巢境而時屬南譙時屬梁
也

梁初因齊制及太清元年以合肥爲合州旋喪亂地入東魏
按梁書無地志魏書地形志云合州統八郡蕭衍置魏因
之其郡曰汝陰南頓南梁北梁南譙廬江西汝南北陳此
足以見梁制今廬州界蓋在其中矣又梁武以前魏亦嘗
間取其地然暫據卽失此要爲南朝之土自梁末地入北
朝魏傳至齊陳之武文兩帝皆不能復陳宣帝太建四年
吳明徹等始克合州然才及七年而淮南之地盡入于周
矣又隋書地理志於廬江縣下注云梁置湘州後齊州廢
按廬江郡自梁武大同以前屬南豫州太清置合州于合
肥則屬合州紀傳不見于廬江置鎮之事且後齊承魏魏
書固云郡屬合州矣若果有州鎮廢之不待齊也以此推

之知隋志必是舛誤

隋開皇三年罷天下諸郡此地始爲廬州煬帝改州爲郡復

曰廬江郡

隋地理志廬江郡梁置南豫州又改爲合州開皇初改爲

廬州統縣曰合肥

注云梁曰汝陰置汝陰郡後齊分置北陳郡開皇初廢縣改名焉廬江

注云齊置廬江郡梁置湘州後齊州廢開皇初廢襄安

注云梁曰衛慎注云東魏開皇初改焉置平梁郡

陳曰梁郡開皇初郡廢開化

梁置

唐初爲廬州中改爲廬江郡後復爲州領縣五屬淮南道

唐地理志廬州廬江郡上縣五合肥

縣慎

縣巢

上本襄安武德三年置巢州并析置開成扶陽三縣七年州廢省廬江

縣有橋山白茅

山有舒城上開元二十三年

折合肥廬江置

太平寰宇記武德三年改爲廬州領合肥廬江慎三縣七年廢巢州爲巢縣來屬天寶元年改爲廬江郡乾元元年復爲廬州

按唐州有輔雄紫望上中下七等而廬州爲上又隋時名州則去郡名郡則去州唐時蓋兼存之故曰廬州廬江郡五代之初屬楊吳後屬南唐

五代史職方表廬州梁唐時屬吳晉漢時屬南唐周乃有之置保信軍

輿地紀勝楊行密爲廬州刺史而吳及南唐遂據有其地太平寰宇記後唐爲昭順軍節度

輿地紀勝後唐爲德勝軍節度象之謹按南唐重修巢湖

太姥廟記乃德勝軍節度使都督廬州諸軍事廬州刺史以保大二年周鄴立其碑見在廟中可以爲據則在南唐非曰昭順軍矣今從通鑑長興二年書德勝軍節度使張崇守廬州及廟碑書爲德勝

周爲保信軍節度使治

太平寰宇記周顯德五年改爲保信軍

輿地紀勝周世宗平淮南改爲保信軍節度

宋初爲廬州合肥郡領縣五設淮西路兵馬鈐轄兼本路安撫使治合肥後以無爲鎮建軍領無爲巢廬江三縣

太平寰宇記廬州合肥郡今治合肥縣領縣五合肥慎巢廬江舒城無爲軍

元豐九域志上廬州廬江郡保信軍節度下州無爲軍太平興國三年以廬州巢廬江二縣隸軍熙寧三年析二縣地置無爲縣無爲軍領縣三無爲廬江巢

宋地理志廬州上保信軍節度大觀二年陞爲望舊領淮南西路兵馬鈐轄建炎二年兼本路安撫使紹興初寄治巢縣乾道二年置司於和州縣三合肥舒城梁梁本慎縣紹興三十二年避孝宗諱改今名

元廬州路上設淮西總管府領縣八

其三今屬廬州

元地理志廬州路上元至元十三年設淮西總管府明年于本路立總管府隸淮西道二十八年以六安軍來屬後升六縣爲州領縣有合肥倚郭梁縣舒城

明爲廬州府初設江淮中書行省于此尋罷領州二縣六

明地理志廬州府太祖甲辰年七月爲府置江淮中書行省于此尋罷領州二縣六有合肥舒城廬江無爲州州領巢縣六安州州領英山霍山

國朝爲廬州府初領州二縣六今領縣四州一合肥舒城廬江無爲州巢縣

廬州府舊屬江南布政司初領合肥舒城廬江無爲州巢縣六安州霍山英山後屬安徽布政使領合肥舒城廬江無爲州巢縣

府牒雍正二年十月十二日部議以江南財賦甲於海內款項繁多催科不易且路途隔遠往返盤查致稽時日廬

江之六安州雖去府不及二百里而阻山帶澤地控豫省本屬緊要地方其原屬掛銜之英山一縣去府五百四十里錯處楚壤地尤險遠應以英山縣并原屬六安掛銜之霍山縣同歸六安州管轄亦改直隸奏准在案因以六安州改陞直隸州領英山霍山兩縣廬州府領一州四縣

合肥縣

漢置合肥縣屬九江郡後漢爲合肥侯國三國屬魏晉屬淮南郡東晉於此僑置南汝陰郡縣曰汝陰宋齊因之梁初爲豫州治後爲合州治後魏因之隋開皇初復曰合肥爲廬州治大業初爲廬江郡治唐復爲廬州治五代宋因之元爲廬州路治明爲廬州府治

本朝因之

按合肥之縣最廣其東南蓋有漢居巢縣地其東北蓋有漢遼遒縣地遼遒之地南朝僑置慎縣宋改梁縣明以梁縣併入合肥此合肥之界所以廣也又慎縣本在汝南此遼遒之慎乃是僑置左傳吳人伐慎乃汝南之慎後人附會以謂在合肥界則失之矣

舒城縣

春秋羣舒國漢置舒縣屬廬江郡後漢晉因之唐開元二十三年析合肥廬江二縣地置舒城縣屬廬州五代宋因之元屬廬州路明屬廬州府

本朝因之

按江南通志沿革表以謂漢舒縣隋併入廬江唐析合肥廬江置舒城復得漢舒縣地此說甚確若漢龍舒據左傳杜注則似在今桐城舊志以舒城爲龍舒似非是

廬江縣

漢亦爲舒縣地屬廬江郡後漢因之三國時爲吳魏境上地宋齊之舒縣城在此遂爲廬江郡治梁蓋改名潛縣後魏因之隋開皇初郡廢改縣曰廬江屬廬州大業初屬廬江郡唐屬廬州五代因之宋改屬無爲軍元因之明初還屬廬州府

本朝因之

按凡言今縣爲古某縣者此皆紀其大概耳實則疆域分

合史家不能盡詳況江北淮南自古兵爭之地城郭爲邱壘邱壘爲城郭何山盡辨古一縣之士今分屬數縣者多矣廬江本郡名而隋以爲縣名者由齊梁之廬江郡治此也齊梁必以郡治此者戰爭之世避孔道而就僻也漢之舒縣蓋當孔道故章懷後漢書注云舒故城在今廬江縣西殆在今舒城縣界內而今廬江特其東隅今縣境蓋又兼得漢臨湖縣之界非第舒地矣其梁時易舒爲潛據魏地形志廬江郡統縣但有潛而無舒又注潛有野父山野父卽今冶父則潛卽今廬江矣

無爲州

州以無爲鎮名或云魏築城征吳無功因號無爲

太平寰宇記

或云取無爲而治之意方輿勝覽春秋時巢國地漢初置襄安

居巢二縣屬廬江郡後漢以居巢爲侯國晉初爲縣後僑

置南譙郡漸扶陽等縣宋齊因之隋爲廬江郡襄安縣地

唐爲巢縣地又嘗置巢州旋廢宋太平興國三年始以巢

縣之無爲鎮建無爲軍尋廢淳化中復置軍屬淮南西路

熙寧三年又析巢廬江二縣地置無爲縣爲軍治元至元

十四年升無爲爲路二十八年降爲無爲州屬廬州路明洪

武初存州省無爲縣以州屬廬州府

本朝因之

按漢居巢屬廬江棗臯屬九江二郡正以巢湖爲界故居
巢在湖南也劉昭於郡國志引廣志云居巢有二大湖今

無爲州金繩寺南有古城跡相傳爲居巢古城其左卽巢湖其右卽廬江白湖疑其地爲是若今巢縣自在湖北非古居巢矣

巢縣

漢橐臯遼道二縣地屬九江郡後漢省橐臯入遼道晉仍之唐置巢州武德七年州廢改縣曰巢屬廬州五代因之宋太平興國三年以縣地置無爲軍而屬焉其時巢縣治雖不在居巢而縣境猶兼居巢自熙寧析縣南爲無爲縣則巢縣之得古居巢境蓋無幾矣宋南渡紹興十一年縣屬盛州十二年還屬無爲軍景定三年爲鎮巢軍治元至元二十八年罷軍復以巢縣屬無爲州明不改

本朝屬廬州

按杜元凱左傳注云橐皋在遼道東南宋齊於此置城父縣唐置巢州其時州治或在今巢縣矣而實非古居巢乃橐皋地耳今世猶稱巢縣北六十里地曰橐皋橐讀曰拓

此明証也

附唐盧潘廬江四辨凡作事必法古名地者必求於古地而不古失其地矣秦一天下破國爲郡名地者唯求於禹貢於山海經故始皇二十六年以揚州之地爲九江鄣郡會稽九江會稽出禹貢鄣出山海經按海內南經云三天子鄣山在閩西注云在歙縣東浙江出焉海內東經云廬江出三天子都入江彭澤西注云卽彭蠡也今彭澤縣西是也經又云一名天子鄣江南之由此名也廬山在彭蠡西也西漢高改九江曰淮南卽封英布爲九江王十一年布誅立地漢高改九江曰淮南卽封英布爲淮南王十一年布誅立皇子長爲淮南王孝文入年長死徙封長子安爲淮南王賜爲廬江王勃爲衡山王應劭曰廬江古廬子國也考詩載籍古無廬國名是劭以廬江爲廬戎之地也按左氏傳

盧戎亦曰廬在宣城西山中劬誤以中廬之廬爲廬江之廬後人因而不悟按漢書諸侯王年表北界淮潁略廬衡爲淮南顏氏注云廬衡二山名也衡卽今霍山按東漢地理志建武十年省六安國以縣屬廬江郡郡十四城有舒潯陽襄安郡南有九江東合爲大江大江之南與彭澤相接旣得潯陽潯陽有廬山因廬江而名古矣廬江之地包江南北而有之周景武廬江記云匡俗周威王時生而神靈居於山上世稱廬君則是俗因山爲號不因俗爲廬而名山爲西域法者曰惠遠作廬山記不知所始乃曰匡俗出殷周之際結廬山上因名山曰廬其謬甚矣按豫章舊志俗父與番陽令吳苜佐漢定天下而逃漢於潯陽武帝南巡封俗爲明公是山不因俗而名愈明矣余故曰事必法古名地者必求于古廬江乃山海經所謂廬江者時移事古天子都者也今山在彭蠡之上亡其所謂廬江者其東地理志云地改故也又按經云浙江出三天子都在其東地理志云浙江出黟縣南率山東入海率則歙今浙江是也今率山在歙州南連延而西曰浙嶺浙水實其陰又西走彭澤凡三百里并水出山陽者皆西流匯於彭澤廬江遠乎哉是必一水也又按今潯陽在江州大江之南古潯陽在大江之北名地爲國者豈限江之南北哉求於古而已矣廬江之國自山海經而名者爲是右辨廬江同食館不知名於何時咸謂自廬以往振廩同食因以爲名按左氏桓十三

年傳楚屈瑕伐羅與廬戎兩軍之杜注云廬亦爲廬廬戎南蠻也文十六年經楚人秦人巴人滅庸今上庸也傳云楚人出師自廬以往振廩同食注云廬今襄陽中廬縣也振發廩食也同食上下無異饌也次於勾瀼楚西境也使廬戡黎廬大夫也又按漢書地理志當陽之中廬在襄陽縣南今猶有次廬村顏注云隋室諱忠故改爲次又按楚莊王時都郢卽今之江陵由郢而伐西北密邇之庸安有發東北數千里之廩上下同食哉此非廬江之廬明矣噫去命名者不詳國地之本末俾後世因地因名而生惑余今以廬江所治故六地六與蓼皆滅於楚已滅而臧孫辰歎曰臯陶庭堅不祀忽諸德之不建民之無援哀哉足以爲後代鑑因更是館名曰建德亦辨曰食館漢書淮南王殺閻章葬之肥陵肥陵水之上也在壽春應劭云夏水出父城東南至此與肥合故曰合肥今按肥水出雞鳴山北流二十里許分而爲二其一東南流經合肥縣南又東北入巢湖其一西北流二百里出壽春西投于淮二水皆曰肥余按爾雅歸異出同曰肥言所出同而所歸異也是山也高不過百尋所出惟一水分流而已其原實同而所流寶異也故皆曰肥今二州圖記皆不見夏水與父城惡賭其夏與肥合者乎合于一源分而爲肥合亦同也故曰合肥而云夏與肥合者亦應氏之失也右辨合肥按圖記今治父山在廬江東北卽左氏所謂莫敖緄于荒谷羣帥

囚于冶父茲山是也余按杜注及地理志荆州記皆云冶父城在荆州荒谷西北小城卽冶父城莫敖緡于荒谷羣帥囚于冶父是也廬非廬戎之地異同食振虞之所安得復有冶父哉後人妄加之明矣矧囚于城豈囚于山乎余按今冶父山實有鐵冶乃作教告縣更名曰冶山不疑
辨冶父山

沿革表

廬州府合肥縣舒城縣廬江縣無為州巢縣

商
庚夏屬揚州

周

揚州

廬子國

應劭曰廬州古舒國左傳僖三年徐人取

廬子國也按通舒杜注舒國今典云左傳自區廬江舒縣又文

以往卽此地攷十二年羣舒叛左傳杜注廬今楚注羣舒傾姓

襄陽中廬縣漢舒庸舒鳩之屬屬南郡與此地今廬江南有舒

遠城舒城西有舒龍舒又宗巢二

國羣舒之屬又宜八年楚伐舒

蔡注舒嬰二國卽羣舒

秦

九江郡

舒縣史記項羽本紀大司

巢國

尚書序巢伯來朝西

伯旅命巢史記索隱曰其國蓋

道因處之淮南楚地杜預曰春

秋時吳楚開小國廬江六縣東

有居巢城後爲其楚之邊邑

居巢縣

史記居巢人范

馬周殷以舒縣

增索隱曰居縣
縣在廬江郡是
故異國

漢

九江郡之三縣
廬江郡之四縣

合肥縣 屬九江郡後漢

舒縣 屬廬江郡

舒縣 屬廬江郡亦得臨湖

襄安縣 屬廬江郡

襄安縣 亦得遠

為侯國建安中
舊為揚州治

遂道縣 屬九江郡此得

居巢縣 屬廬江郡漢晉置巢入遂道此為其縣南

臨湖縣 屬廬江郡漢侯國

其縣北境

侯國

三國

初分屬魏吳晉
為淮南郡廬江郡

合肥縣 晉屬淮南郡

舒縣

遂道縣

遂道縣 晉屬淮南郡

宋齊

始東晉僑置汝陰郡
陰南讓等郡于

汝陰縣 南汝陰郡治

舒縣 屬江郡治

南樂郡 東晉僑置南樂郡

南樂郡

其即宋齊因其
僑置郡名性處

慎縣 宋屬南汝陰郡齊同

南樂郡 東晉僑置南樂郡

城父縣 自南朝置梁郡而遂道之名沒其遂道

江為舊名自晉大概居漢遂道以前地屬揚州之境

置梁郡而遂道之名沒其遂道

宋齊屬南豫州

梁

初梁同宋齊之制太清初改置

汝陰縣南汝陰郡治

魏地志合州北

潛縣魏地志無

南譙郡

南梁郡

合州鎮于合肥而統南汝陰屬

慎縣梁屬南梁郡

云有舒水疑舒有潛注潛下木乃今舒城之云有洽父山知

江南譙南頓南梁北梁西汝南

北陳八郡大抵皆今廬州界

七里河而此地梁時改此名

梁為北陳郡也

合州統八郡魏因梁制至齊具

汝陰縣南汝陰郡治

然他無證不敢

法

南譙郡

南梁郡

魏齊周

郡名或改為縣

依魏書廣

今不可考惟北

潛縣唐江郡治

南譙郡

南梁郡

陳郡齊有見隋志則云魏改平

地志合肥下注梁陳又云梁郡

內陳宜帝復取

淮南齊改郡為

縣者並復之入

周後或仍有改

民避寇渡江反
僑置遼道縣于
江南之子湖

郡為縣之事亦無可考

隋

廬江郡

合胞縣

初州治

廬江縣

屬廬江郡

襄安縣

屬廬江郡

襄安縣

開皇初廢郡以州統縣此為廬州至大業又改為郡

恒北

屬廬江郡

廢南朝舊置之郡名存古襄安之縣名然不知其時縣治在何

無為界內抑巢縣界內也姑兩

言之

唐五代

廬州廬江郡屬淮南道五代屬

合胞縣

州治

舒城縣

屬廬州

廬江縣

屬廬州

唐初置巢州蓋

統襄安扶陽開

其縣武德七年

廢巢州為

楊吳後屬南唐

慎縣

屬廬州

十三年分合胞

廬江地置

舊縣則襄安三

縣之名沒矣而

此地皆歸巢縣

宋

廬州廬江郡屬淮南西路

合肥縣

州治

舒城縣

屬廬州

廬江縣

太平興

無為縣

其縣屬無為軍

南末當隸

無

梁縣 紹興二十三年更名

屬無為軍

無為縣

太平興廬州旋還屬無

為縣

三年為軍宋末別置

置軍熙寧三年領軍于此

置縣為軍治蓋

無為軍本治巢

縣之無為鎮至

道二年移治巢

縣城既寧中析

巢縣為無為縣

軍還治此

無為州

無為縣

無為州

無為州

無為州

無為州

無為州

無為州

無為州

無為州

無為州

無為州

無為州

元

盧州路

合肥縣

舒城縣

廬江縣

無為州

其縣初為鎮巢

至元十三年立

淮西路明年改

梁縣

屬盧州

屬無為

縣屬無為州

縣屬無為州

明

盧州府

合肥縣

舒城縣

廬江縣

無為州

其縣屬無為州

初立江淮行省

梁縣地

屬盧州

屬盧州

洪武初

屬無為州

國朝盧州府合肥縣舒城縣廬江縣無為州巢縣

屬江南安徽布僑部

政使司舊轄二

州六縣雍正二

年升六安州直

蘇以英山
二縣島之蘇州
一縣四治合

蘇州府志卷之

三

分野

爾雅星紀斗牽牛吳分野

周禮春官保章氏注堪輿郡國所入度數星紀吳越也

春秋元命苞牽牛流爲揚州

史記天官書斗江湖牽牛婺女揚州又曰吳楚之疆候在熒惑占于烏衡漢書天文志同

漢書天文志丙丁江淮一曰丙楚丁南夷戊吳越

漢書地理志吳地斗分野九江廬江盡吳分野

後漢書天文志注星經玉衡者謂斗九星也第六星主揚州常以五巳日候之乙巳爲豫章辛巳爲丹陽己巳爲廬江丁巳爲吳郡會稽癸巳爲九江凡六郡

後漢書郡國志注帝王世紀斗十一度至婺女七度婺女一名須女曰星紀之次於辰在丑謂之赤奮若於律爲黃鍾斗建在子今吳越分野

費直分星次斗十度至女五度爲星紀于辰在丑吳越分野蔡邕分星次斗六度至須女一度謂之星紀大雪冬至居之吳越分野

晉書天文志自南斗十二度至須女七度爲星紀廬江入斗六度隋書同

玉歷通改經自尾十度至南斗十一度爲析木于辰在寅爲燕分幽州自南斗十二度至須女十度爲星紀于辰在丑爲吳越分揚州則廬屬燕分六屬吳越分也明刻分野自

斗三度至女一度屬吳越分揚州之域自女二度至危十
一度屬齊分青州之域則廬屬吳越分六屬齊分也

唐書天文志斗牽牛星紀也初南斗九度中南斗二十四度
終女四度自廬江九江至淮水南盡臨淮廣陵至東海南
海爲星紀之分古吳越羣舒廬桐六藝及東南百越之國
也南斗在雲漢下流當淮海間爲吳分牽牛去南河寔遠
方輿勝覽曹明之記合肥入斗度最多故號金斗

宋史天文志北方南斗六星第一主吳第五主廬江

元史天文志斗四度三十六分六十六秒外入吳越分星紀
之次揚州之地

明史天文志斗三度至女一度星紀之次也直隸所屬之廬

州府無爲州皆斗分

國朝徐文靖天下山河兩戒考補星紀之分斗牽牛二宿位在正北之東分野屬揚州古吳越羣舒廬六蓼及舒潛宗巢舒蓼舒庸舒鳩鍾離鍾吾塗山英氏州來姑蔑縉雲氏之國皆其分也

疆域

廬州府

東西廣三百一十里南北袤三百六十里在江寧省城西北
五百一十里安徽布政使司北三百六十里東至和州含山縣
界一百九十里西至六安州界一百二十里南至安慶府桐城
縣界二百四十里北至鳳陽府定遠縣界一百三十里東南
至和州治三百里西南至湖北黃州府治八百里東北至淞
州治二百八十里西北至鳳陽府壽州治一百八十里自府
治至

京師二千四百六十里

合肥縣

附郭東西廣二百一十里南北袤二百一十里東至巢縣界
九十里西至六安州界一百二十里南至舒城縣界八十里
北至鳳陽府定遠縣界一百三十里東南至巢縣治一百八
十里西南至舒城界八十里東北至定遠縣治一百八十里
西北至鳳陽府壽州治一百八十里

舒城縣

在府城西南一百二十里東西廣八十五里南北袤一百里
東至巢縣界六十里西至六安州界二十五里南至安慶府
桐城縣界六十里北至合肥縣界四十里東南至廬江縣治
九十里西南至安慶府潛山縣界一百四十里東北至合肥
縣界五十里西北至六安州治一百二十里

廬江縣

在府城南一百六十里東西廣一百二十里南北袤一百二十里東至巢縣界八十里西至舒城縣界四十里南至安慶府桐城縣界五十里北至合肥縣界七十里東南至無爲州治一百八十里西南至桐城縣治九十里東北至巢縣界七十里西北至舒城縣治九十里

無爲州

在府城東南二百六十里東西廣一百七十五里南北袤一百四十里東至太平府蕪湖縣界一百二十五里西至廬江縣界五十里南至安慶府桐城縣界九十里北至巢縣界五十里東南至太平府繁昌縣治九十五里西南至桐城縣治

一百七十里東北至和州治一百四十里西北至廬江縣界
六十里

巢縣

在府城東一百八十里東西廣一百一十五里南北袤一百
一十八里東至和州含山縣界二十五里西至合肥縣界九
十里南至無爲州界三十八里北至合肥縣界八十里東南
至無爲州界三十五里西南至廬江縣治一百五十里東北
至和州治一百二十里西北至合肥縣治一百八十里

形勝

漢書地理志壽春合肥受南北湖皮革鮑木之輸亦一都會也

史記貨殖傳合肥合南北湖

輿地紀勝作湖

皮革鮑木輸會也

魏明帝云先帝東置合肥南守襄陽西向祁山敵來輒破于三城之下地有所必爭也

魏滿寵云南臨江湖北達壽春

唐廬州刺史羅珣德政碑淮海之郡廬爲大封略闊而土田瘠人產寒薄井賦尤重

唐杜牧行廬州刺史制廬江五城環地千里口衆賦重

後唐張崇修廬州羅城記禹貢別九州之域揚鼎居先淮安

控七郡之雄廬邦最大真四塞山河之境乃一方禮樂之邦地勢壯而金斗高人心剛而土風勁

崔琳田侯廟記廬爲淮西根本古城又爲州之襟要

曹明之新城記龍眠蟠其前紫金跨其北淮右襟喉之地江北恃爲唇齒

宋大觀中鄭集大蜀山龍王廟文廬爲淮西重鎮封疆三百里戶口亦數萬計

權集之云廬江劇郡號爲難理

洪邁太守廳壁記合肥望于淮西地推兩崇宅牧有抗厥今爲北州伯

葉祖洽三至堂記廬于淮西爲一道都會人物之富甲兵之

強四方商旅遊士之多不比他郡地大以要故選守常重
方輿勝覽韓无咎風鶴亭記淮之南故秦九江也至漢孝
文析其郡又爲廬江實今西路也自春秋季年吳嘗會于
橐臯而漢封皆在于六及孫曹分爭則以合肥屬揚州之
治築爲新城晉人扼肥水以敗秦師周世宗屬兵正陽攻
戰于紫金山下遺跡猶存故今廬州形勝云腹巢湖控渦
潁膺濡須枕潛皖隱然爲用武之郊

呂祉東南防守利便兵家論地有所必爭城有所必攻吾之
所以應之者奈何曰深溝高壘待之以必守秣馬厲兵示
之以必戰而已魏之合肥吳之濡須所謂必爭之地必攻
之城也孫權嘗擁十萬之衆而攻合肥矣張遼所領才七

千人遼與諸將謀之及其未合當近挫其勢以安衆心然
後可守也乃募敢從之士八百人明日大戰遼先登陷陣
直抵孫權麾下權大驚不知所爲曹公之出濡須也號步
騎四十萬權止以七萬人拒之遣甘寧糾手下健兒百餘
人夜斫操營北軍震駭此所謂待之以必守而示之以必
戰也夫以戰爲守故能以逸待勞以寡擊衆此爲兵之要
也今合肥濡須皆吳境也論者常以爲兵少不足用城卑
不足守苟爲是言則是必皆懾懦困道之見也雖與之大
行之阻濁河之限亦必委之而去矣況合肥濡須乎夫守
合肥以限淮北守濡須以藩江左則是江淮表裏之勢也
且合肥從古以來其浸有凍湖肥水其後有新城居巢濡

須在吳志有羨谿中洲橐臯其地形俱尙存但不知必職
必守今人何如古人爾

凍湖之凍
疑當作灤

風俗

府治合肥縣

隋地理志人物語音風土明茂皆勝淮左諸郡 人性躁勁

風氣果決 俗頗尙淳質好儉約喪禮婚姻率漸于禮

國經風俗淳樸事耕桑崇儉重名務學賢才彙興

余忠宣公修城記其民質直而無二心

吳澄碑所治據淮上游地大俗質

黃宗載府治記人物清修苦節廉介忠義

王志英序自昔其民質樸不好爭訟而風俗淳美

馬侍郎廷用記其俗勤於稼穡不喜商旅猶有往昔簡古風

朱太守璠序衣冠文物之懿視昔有加生民老子長孫俎豆

婚嫁於桑梓聞弦誦之聲接於四境

舒城縣

虞集記山川高深風氣完密民生其間有中州質愿之美
王章記其俗樸茂剛健而少文其務勤力稼穡而民多富
楊博記土厚水深士生其間剛勁篤實足以任重

廬江縣

古志風氣果決賦性質樸鮮事工商專務稼穡

廬江志俗尚淳質好儉約喪祀婚姻率及於禮

無爲州

無爲圖策人性淳厚好學務本畏犯法而少鬪訟無吳楚勁
悍之風

地理志勤儉務農人恥犯法士知力學衣冠文物於斯爲盛
巢縣

唐羅珣德政碑封略闢而土田瘠賤商貴農